

<b>ADRODDIAD I'R:</b>	Pwyllgor Trwyddedu
<b>DYDDIAD:</b>	12 Mehefin 2019
<b>SWYDDOG ARWEINIOL:</b>	Pennaeth Cynllunio a Gwarchod y Cyhoedd
<b>SWYDDOG CYSWLLT:</b>	Uwch Swyddog Technegol (Trwyddedu) 01824 706433
<b>TESTUN:</b>	Y wybodaeth ddiweddaraf ynglŷn â Datganiad Polisi ar addasrwydd ymgeiswyr a deiliaid trwyddedau ym musnesau cerbydau hacni a cherbydau hurio preifat.

## **1. PWRPAS YR ADRODDIAD**

1.1 Rhoi adroddiad i'r Aelodau o'r gwaith a gyflawnwyd wrth ddrafftio polisi sy'n bodloni'r gofynion yn nogfen ganllawiau'r Sefydliad Trwyddedu.

1.2 Ceisio cymeradwyaeth yr Aelodau o'r Datganiad Polisi drafft ar Addasrwydd Ymgeiswyr a Deiliaid Trwyddedau ym Musnesau Cerbydau Hacni a Cherbydau Hurio Preifat, i'w weithredu ar 1 Gorffennaf 2019.

## **2. CRYNODEB GWEITHREDOL**

2.1 Pan gyfarfu'r Pwyllgor Trwyddedu ar 5 Rhagfyr 2018, penderfynodd yr Aelodau fabwysiadu canllawiau'r Sefydliad Trwyddedu a rhoi cyfarwyddyd i'r Swyddogion ddrafftio polisi a oedd yn bodloni'r gofynion yn y ddogfen dan sylw. Hefyd, argymhellodd yr Aelodau bod swyddogion yn meithrin cyswllt â deiliaid trwyddedau.

### **2.2**

Wedi cyflawni'r dasg a nodwyd yn 2.1 uchod, mae'r Swyddogion bellach yn medru cyflwyno drafft terfynol o'r Datganiad Polisi ar Addasrwydd Ymgeiswyr a Deiliaid Trwyddedau ym Musnesau Cerbydau Hacni a Cherbydau Hurio Preifat er cymeradwyaeth.

## **3.**

### **PŴER I WNEUD Y PENDERFYNIAD**

#### **3.1**

Deddf Llywodraeth Leol (Darpariaethau Amrywiol) 1976 a Deddf Cyfrifoldebau Heddluoedd Trefol 1847.

#### **4. GWYBODAETH GEFNDIR**

4.1 Gan gyfeirio at y penderfyniad a nodwyd yn 2.1 uchod, hoffai'r Swyddogion rannu'r wybodaeth ddiweddaraf â'r aelodau ynglŷn â'r gwaith a wnaethpwyd ers cyfarfod y Pwyllgor Trwyddedu fis Rhagfyr y llynedd.

4.2 Fis Ionawr eleni anfonwyd newyddlen at bob gyrrwr, Gweithredwr a pherchennog trwyddedig, i'w hysbysu o'r ffaith bod y Pwyllgor Trwyddedu wedi mabwysiadu canllawiau'r Sefydliad Trwyddedu ynglŷn ag addasrwydd ymgeiswyr a deiliaid trwyddedau yn y diwydiant taccsis. Roedd copi o ganllawiau'r Sefydliad Trwyddedu ynghlwm wrth bob newyddlen.

4.3 Nodwyd manylion yn y newyddlen ynglŷn â nifer o gymorthfeydd Trwyddedu oedd i'w cynnal ledled y Sir ym mis Chwefror a mis Ebrill, gan gynnwys sesiynau yn y bore, yn y prynhawn a gyda'r nos.

4.4 Hysbysebwyd y Cymorthfeydd Trwyddedu hefyd ar dudalennau cyfryngau cymdeithasol Sir Ddinbych a'r Gwasanaeth Trwyddedu, a rhannwyd y manylion drwy amrywiaeth o grwpiau lleol ar gyfryngau cymdeithasol.

4.5 Yn anffodus ni ddaeth ond tri o ddeiliaid trwyddedau i'r holl gymorthfeydd a gynhaliwyd ledled y Sir, ond nid oedd gan yr un ohonynt unrhyw wrthwynebiad i'r Polisi.

4.6 Bwriedir i'r Polisi fod yn berthnasol i bob trwydded newydd a gyflwynir o 1 Gorffennaf 2019 ymlaen. Bydd unrhyw ddeiliaid trwyddedau presennol y barnwyd eu bod yn "addas a phriodol" o dan y Polisi Euogfarnau presennol yn dal i gael eu hystyried felly oni cheir unrhyw euogfarnau pellach yn eu herbyn. Os bydd yno unrhyw euogfarnau pellach, caiff pob mater felly ei gymryd i ystyriaeth pan ddaw'r amser i adnewyddu'r drwydded, neu pan hysbysir y Cyngor o unrhyw drosedd felly.

4.7 Yn Atodiad A mae copi o'r Datganiad Polisi drafft ar Addasrwydd Ymgeiswyr a Deiliaid Trwyddedau ym Musnesau Cerbydau Hacni a Cherbydau Hurio Preifat.

Mae'r Swyddogion am dynnu sylw'r Aelodau at y ffaith y gallai'r polisi cenedlaethol hwn fod yn destun newidiadau y tu hwnt i reolaeth y Cyngor hwn. Pe byddai hynny'n digwydd, gallai'r Aelodau ystyried awdurdodi Swyddogion i fabwysiadu unrhyw newidiadau yn y Datganiad Polisi heb

5.0 ddod â'r mater yn ôl gerbron y Pwyllgor. Fodd bynnag, pe byddai newidiadau mawr ar lefel genedlaethol yn cael effaith sylweddol ar y polisi fel y'i mabwysiadwyd, yna byddai'r Swyddogion yn rhannu'r wybodaeth â'r Aelodau yn y cyfarfod cyntaf o'r Pwyllgor wedi hynny.

5.1

## **YMGYNGHORI**

6. Mae'r Cyngor fel arfer yn ymgynghori â'r holl randdeiliaid allweddol pan fwriedir newid unrhyw bolisi, ond yn yr achos hwn mae canllawiau'r Sefydliad Trwyddedu'n ddogfen genedlaethol, a byddai gwro o'r ddogfen honno mewn unrhyw ffordd yn creu anghysonder yn y Sir, ac ni fyddai hynny'n briodol. Felly, aethpwyd ati i gynnal rhaglen o ddogfyddiadau codi ymwybyddiaeth.

6.1

## **ARGYMHELLION**

6.2 Bod yr Aelodau'n mabwysiadu'r Datganiad Polisi drafft ar Addasrwydd Ymgeiswyr a Deiliaid Trwyddedau ym Musnesau Cerbydau Hacni a Cherbydau Hurio Preifat, sydd ynghlwm yn Atodiad A, i'w weithredu ar 1 Gorffennaf 2019.

Bod yr Aelodau'n awdurdodi swyddogion i wneud unrhyw newidiadau fel y nodir yn 4.8 uchod, fel bod y Datganiad Polisi ar Addasrwydd Ymgeiswyr a Deiliaid Trwyddedau ym Musnesau Cerbydau Hacni a Cherbydau Hurio Preifat yn gyson â'r ddogfen ganllawiau genedlaethol.